

Serie A N.º 1176079

SESIÓN ORDINARIA DO CONCELLO PLENO
22/NOVEMBRO/2001

SUMARIO

- 1.- LECTURA E APROBACIÓN, SE PROCEDE, DA ACTA DA XUNTANZA DE DATA 1.10.2001
- 2.- ACTIVIDADE DE CONTROL DO PLENO
- 3.- DAR CONTA RESOLUCIÓNS DA ALCALDÍA

URBANISMO

- 4.- DICTAME DA COMISIÓN INFORMATIVA DE URBANISMO REFERENTE A APROBACIÓN INICIAL, EN FASE MUNICIPAL, DO EXPEDIENTE EXPROPIATORIO, MEDIANTE PROCEDEMENTO DE TAXACIÓN CONXUNTA, PARA A OBTENCIÓN DOS TERREOS NECESARIOS PARA A OBRA DE AMPLIACIÓN E URBANIZACIÓN DO CEMITERIO DE MAÑÓ.
- 5.- DICTAME DA COMISIÓN INFORMATIVA DE URBANISMO SOBRE APROBACIÓN DEFINITIVA MODIFICACIÓN PUNTUAL DAS NN.SS.MM. NO ÁMBITO DO CEMITERIO DE MAÑO.
- 6.- DICTAME DA COMISIÓN INFORMATIVA DE URBANISMO REFERENTE A MODIFICACIÓN DO CONTRATO FORMALIZADO CON ARTEPLAN GALICIA S.L., PARA REDACCIÓN DO PXOM E EXECUCIÓN DE CARTOGRAFÍA, NO REFERENTE A CLÁUSULA 5ª (RÉXIME DE PAGOS) DO PREGO.
- 7.- DICTAME DA COMISIÓN INFORMATIVA DE URBANISMO SOBRE PROPOSTA DE CONVENIO URBANÍSTICO ENTRE O CONCELLO E DON DANIEL RODRÍGUEZ SOTELINO E A SÚA DONA.

ECONOMÍA, FACENDA E DESENVOLVEMENTO LOCAL

- 8.- DAR CONTA DO EXPEDIENTE DE MODIFICACIÓN DE CRÉDITO 14/01.
- 9.- DAR CONTA DO EXPEDIENTE DE MODIFICACIÓN DE CRÉDITO 15/01.

INTERIOR

- 10.- DICTAME DA COMISIÓN INFORMATIVA DE INTERIOR EN RELACIÓN CO EXPEDIENTE DE CONTRATACIÓN DOS SERVICIOS TÉCNICOS DE CONSULTORÍA E ASISTENCIA LETRADA NOS PROCESOS XUDICIAIS.

CULTURA

- 11.- DICTAME DA COMISIÓN INFORMATIVA DE CULTURA SOBRE INSTALACIÓN E EXPLOTACIÓN DO SERVICIO DE BAR-CAFETERÍA E SERVICIOS PÚBLICOS DE LIMPEZA NO MULTIUSOS DE CHAPELA.



EL NUMERADO
CORPORACIÓN
LOCAIS

SANIDADE E SAÚDE

- 12.- DICTAME DA COMISIÓN INFORMATIVA DE SANIDADE DE ADHESIÓN DO CONCELLO Ó CONVENIO MARCO ENTRE ECOVIDRIO E A COMUNIDADE AUTÓNOMA DE GALICIA.
- 13.- DICTAME DA COMISIÓN INFORMATIVA DE SANIDADE SOBRE APROBACIÓN DO REGULAMENTO MUNICIPAL DO REXISTRO DE ANIMAIS DOMÉSTICOS DE COMPAÑÍA.

MOCIÓNS

- 14.- DO PSdeG-PSOE SOBRE A VIOLENCIA DE XÉNERO
- 15.- ROGOS E PREGUNTAS.

URXENCIAS

- A).- VERQUIDOS DE RESIDUOS DE FÁBRICA DE GRANITO
- B).- RECUPERACIÓN DE CAMIÑO PÚBLICO

Na Casa do Concello de Redondela, sendo as vinte horas e tres minutos do **día vintedous de novembro do ano dous mil un**, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a. DEL PILAR MARTÍNEZ GONZÁLEZ, DONA M^o DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL ALFAYA, D. SALVADOR FERMIN PINTOS FERNANDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ÁNXELES GONZÁLEZ GÓMEZ, actuando como Secretario o Secretario Xeral acumulado D. JOSE RIESGO BOLUDA, constitúese o Pleno Pleno do Concello, en sesión ordinaria, conforme á convocatoria e de acordo coa Orde do día.

Incidencias: Non asistiu excusando a súa ausencia a Sra. DONA AURORA ALONSO MONTEAGUDO.

A Presidencia declara aberta a sesión en primeira convocatoria, procedéndose a tratar os puntos da Orde do Día.

1.- LECTURA E APROBACIÓN, SE PROCEDE, DA ACTA DA XUNTANZA DE DATA 1.10.2001

Se aprobou por unanimidade dos membros presentes o borrador da acta da sesión celebrada en data 1.10.01 coa seguinte rectificación:

Serie A N.º 1176080

Páxina 19.- Línea 2ª Intervención do Sr. Pazos Docampo: substituír "está pedindo" por "está perdendo".

2.- ACTIVIDADE DE CONTROL DO PLENO

Non se exercitou ningún tipo de actividade de control.

3.- DAR CONTA RESOLUCIÓNS DA ALCALDÍA

Pola Presidencia dase conta das resolucións da Alcaldía dende o día 28 de setembro de 2001 ata 16 de novembro de 2001.

O Concello Pleno, quedou enterado do contido das Resolucións dictadas.

4.- DICTAME DA COMISIÓN INFORMATIVA DE URBANISMO REFERENTE A APROBACIÓN INICIAL, EN FASE MUNICIPAL, DO EXPEDIENTE EXPROPIATORIO, MEDIANTE PROCEDIMENTO DE TAXACIÓN CONXUNTA, PARA A OBTENCIÓN DOS TERREOS NECESARIOS PARA A OBRA DE AMPLIACIÓN E URBANIZACIÓN DO CEMITERIO DE MAÑÓ.

ANTECEDENTES

Examinado o proxecto de expropiación que, para a determinación do xustiprezo polo procedemento de taxación conxunta, confeccionou a Oficina Técnica Municipal respecto dos terreos que resultan necesarios ocupar para a execución da obra denominada "AMPLIACIÓN E URBANIZACIÓN DO CEMITERIO DE MAÑÓ", e visto o informe que en relación co proxecto citado emitiu o Secretario do Concello.

INTERVENCIÓNS:

Sr. Conde Romero: A nosa postura é coñecida. a valoración das expropiacións ascenden a 36 millóns, logo o acondicionamento e urbanización máis de 200 ou 250 millóns de pesetas. ¿Cal é a razón desta ampliación? Ese diñeiro pode aplicarse a outras cousas. O Cemiterio ten 400 nichos, moitos deles vacíos. Os nichos representan o 24% da poboación urbana de Redondela. Repito que non somos capaces de entender esta inversión. ¿Ten algo que ver con Tanamañó?. É moito diñeiro. Outros servizos son máis deficitarios. 169 nichos son do Concello e hai moitos vacíos. Non hai necesidade. Dentro do Cemiterio hai terreo para ampliar. Mañó necesita máis limpeza e mantemento, só iso. Con este diñeiro se poden facer moitas cousas.

Sr. Alcalde: ¿Limpeza do Cemiterio?. Está en perfectas condicións ornamentais. Eu invito a Vde. a visitar o Cemiterio e comprobalo. Vde fala de memoria neste tema non sabe de verdade como están as cousas. O Cemiterio está en perfectas condicións.

Sr. González Iglesias: Non ten nada que ver con Tanamañó. Referencias demagóxicas cando di que ese diñeiro pode empregarse para outras cousas. Nos vamos a vender a ampliación, é dicir, vamos a recuperar ese diñeiro. Vde non ve os expedientes ou non os entende.



DEL NUMERADO
CORPORACIÓN
LOCAIS

Sr. Pazos Docampo: O PP está en contra de ampliar o Cemiterio esa é a realidade.

Sr. Conde Romero: Nin eu nin os veciños de Redondela entendemos os seus expedientes. Maño está mediamamente en condicións agora porque o día 1 de novembro se adecentou para a festividade de todos os Santos pero ¿Que ocurrirá dentro duns meses?. No Cemiterio de Maño existe terreo sen utilizar no que se pode construír. Entendemos que o que agora se fai non é necesario, iso é o que pensamos, creemos que existen outras inversións máis necesarias. Vdes traen unha proposta o PP cree que non é prioritario o gasto previsto por Vdes.

Sr. González Iglesias: O mantemento do Cemiterio é continuo non para o día de difuntos. O Concello nesta inversión non vai a poñer un duro o pagaran os veciños que adquiren os nichos é o lóxico, inclusive pagarán o importe das expropiacións.

Sr. Conde Romero: A nosa postura é razoable, neste momento non é de necesidade a ampliación, quizá algún día o sexa e quizá algún día se recupere a inversión, pero a realidade é que esa actuación non é imprescindible. Os números contan, están aí, 264 nichos do Concello solo 117 ocupados quedan 152 vacíos tamén os dos particulares están a metade vacíos ¿É isto demagogia?. En definitiva agora o diñeiro ten outras prioridades.

Sr. González Iglesias: Vdes están en contra da ampliación. Os cemiterios parroquias non se poden ampliar mais, iso implica que os nichos en Chapela se venderán a 350.000 pesetas. ¿Queren Vdes manter esa especulación?. Creemos que esta ampliación evitará eses abusos.

VOTACIÓN E ACORDO: De conformidade co dictame da Comisión Informativa de Urbanismo de data 19 de novembro de 2001, ó Concello Pleno, en votación ordinaria e por maioría dos señores asistentes, **con trece votos a favor** dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a. PILAR MARTÍNEZ GONZÁLEZ, DONA M^a. DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. CARMEN RODRÍGUEZ RIVAS, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUÍS GRANDE GRANDE e DONA ÁNXELES GONZÁLEZ GÓMEZ, e o do Sr. Alcalde, **e con sete votos en contra** dos/as Sres/as Concelleiros/as: D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSÉ LUÍS ALONSO BASTOS, D. MANUEL PUENTES SAAVEDRA, D. LUÍS MÍGUEZ BOULLOSA, D. PABLO REBANAL ALFAYA, D. SALVADOR FERMÍN PINTOS FERNÁNDEZ, **acorda:**

Primeiro.- Aprobar inicialmente, en fase municipal, o proxecto de expropiación mencionado.

Segundo.- Expoñer ó público o proxecto citado por prazo DUN MES mediante inserción de anuncios no Diario Oficial de Galicia e Diario "Faro de Vigo", ó obxecto de que durante dito prazo os interesados formulen as observacións e reclamacións que

Serie A N.º 1176081

estimen pertinentes, en particular no que concierne á titularidade ou valoración dos seus respectivos dereitos.

Terceiro.- Notificar individualmente os que aparezan como titulares das fincas as taxacións contidas no proxecto, notificación que se materializará mediante o traslado literal da correspondente folia de aprecio e dos criterios valorativos xerais empregados ó obxecto de que estes afectados formulen cantas alegacións estimen oportunas no prazo dun mes dende a data de notificación.

Cuarto.- Entender definitiva en fase municipal a aprobación acordada no suposto de que non se presenten alegacións, caso no que o expediente confeccionado será elevado a COTOPV, ó obxecto de que, no seu caso, acorde a aprobación definitiva que faculte á ocupación dos terreos.

Quinto.- Requerir dos interesados no expediente a fin de que aporten certificación rexistral ó seu favor respecto da finca en cuestión ou, no seu defecto, título xustificativo do seu dereito completado con certificación negativa do Rexistro da Propiedade referida á finca descrita en tales títulos.

5.-DICTAME DA COMISIÓN INFORMATIVA DE URBANISMO SOBRE APROBACIÓN DEFINITIVA MODIFICACIÓN PUNTUAL DAS NN.SS.MM. NO ÁMBITO DO CEMITERIO DE MAÑO.

ANTECEDENTES

Polo Concello Pleno na súa sesión de data 7 de xuño de 2001 acordouse, entre outros extremos, aprobar inicialmente a modificación puntual das Normas Subsidiarias de Planeamento Municipal no ámbito do Cemiterio de Maño, modificación que ten por obxecto delimitar a zona de ampliación e protección do cemiterio, cualificando como equipamento dotacional relixioso (CE) solo non urbanizable común e como equipamento de estradas (CA) a zona coa cualificación de equipamento "O", outros usos.

Efectuado o regulamentaria trámite de información pública por prazo dun mes mediante anuncios publicados no Diario "Faro de Vigo" de data 20 de xullo de 2001, Taboleiro de Anuncios da Casa do Concello e Diario Oficial de Galicia nº 149 de data 2 de agosto de 2011, non foi presentada alegación, suxerencia ou reclamación algunha.

Remitido o expediente completo á Consellería de Política Territorial, Obras Públicas e Vivenda (Dirección Xeral de Urbanismo), ós efectos previstos no artigo 7 da Lei 7/1995, de 25 de xuño, de delegación e distribución de competencias en materia de urbanismo, esta Consellería, con data 24-10-01 emite informe favorable coa observación de que compre elaborar un documento refundido no que se incorporen as modificacións derivadas do informe do Ministerio de Fomento.

Redactado o indicado documento refundido polo Arquitecto do Concello.

Vistos os artigos 42.5, 50 e disposición adicional cuarta da Lei 1/1997, do 24 de marzo, do Solo de Galicia; 2 e 8.b) da Lei 7/1995, do 29 de xuño, de delegación e



EL NUMERADO
CORPORACIONES
LOCAIS

distribución de competencias en materia de urbanismo; 132.3. a) do Regulamento de Planeamento, e 22.c) da Lei 11/1999, de 21 de abril, de modificación da Lei 7/1985, de 2 de abril, Reguladora das Bases de Réxime Local, a Comisión Informativa de Urbanismo dictaminou favorablemente a proposta do Concelleiro Delegado que consta na parte dispositiva deste acordo.

INTERVENCIÓNS:

Sr. Pazos Docampo: Apoiamos o dictame.

Sr. Conde Romero: A nosa postura é que se modifican as Normas para un tema dunha persoa xurídica, non se entende a nosa participación nesa empresa, nos está salindo moi cara.

Sr. González Iglesias: ¿Presentaron Vdes. alegacións?. Non. Entón ¿cómo se atreve Vde. a dicir que está en contra desta modificación puntual?. Vde non ve os expedientes. A zona de protección e xusto ó lado contrario do Tanatorio, no lado do Tanatorio existe suficiente zona de protección; existe desde sempre.

Sr. Pazos Docampo: ¿Tanatorio?. ¿Que ten que ver?. Ese non é do debate. O de Vdes é mala fe ou ignorancia.

Sr. Conde Romero: O de Vdes e irresponsabilidade política. Vdes modifican as NN.SS.MM. desde que se formou Tanamañó. Os terreos de Tanamañó nin se expropian, nin se afectan, sempre é o lado contrario. Alegacións. ¿Para qué?. Vdes nunca lles facen caso. Aplican o Rodillo. As alegacións auténticas son as eleccións. Temos dúbidas sobradas sobre este asunto.

Sr. Alcalde: ¿Porqué dicen Vdes que este expediente beneficia a Tanamañó?. Se fose certo nos seríamos os primeiros en votar en contra.

VOTACIÓN E ACORDO: De conformidade coa dictame da Comisión Informativa de Urbanismo de data 19 de novembro de 2001, **O Concello Pleno**, en votación ordinaria e por maioría dos señores asistentes, **con trece votos a favor dos/as Sres/as Concelleiros/as:** D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a. PILAR MARTÍNEZ GONZÁLEZ, DONA M^a. DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. CARMEN RODRÍGUEZ RIVAS, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUÍS GRANDE GRANDE e DONA ÁNXELES GONZÁLEZ GÓMEZ, e o do Sr. Alcalde, **e con sete votos en contra dos/as Sres/as Concelleiros/as:** D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSÉ LUÍS ALONSO BASTOS, D. MANUEL PUENTES SAAVEDRA, D. LUÍS MÍGUEZ BOULLOSA, D. PABLO REBANAL ALFAYA, D. SALVADOR FERMÍN PINTOS FERNÁNDEZ, **acorda:**

Primeiro.- Aprobar definitivamente a Modificación puntual das Normas Subsidiarias de Planeamento Municipal no ámbito do Cemiterio de Mañó.

Serie A N.º 1176082

Segundo.- Cumprimentar o disposto no artigo 48 da Lei 1/1997, de 24 de marzo, do Solo de Galicia.

6.- DICTAME DA COMISIÓN INFORMATIVA DE URBANISMO REFERENTE A MODIFICACIÓN DO CONTRATO FORMALIZADO CON ARTEPLAN GALICIA S.L., PARA REDACCIÓN DO PXOM E EXECUCIÓN DE CARTOGRAFÍA, NO REFERENTE A CLÁUSULA 5ª (RÉXIME DE PAGOS) DO PREGO.

ANTECEDENTES

Con data 18 de xullo de 2001 formalizouse, en documento administrativo, contrato de consultoría e asistencia para a elaboración dos traballos de redacción do Plan Xeral de Ordenación municipal e execución de cartografía do Concello, coa empresa ARTEPLAN GALICIA, S.L. representada por D. Manuel J. Freijeiro Martínez.

Posteriormente, o día 18 de setembro de 2001, asinouse convenio entre este Concello e a Consellería de Política Territorial, Obras Públicas e Vivenda para financiamento e seguimento da redacción do indicado instrumento de planeamento urbanístico.

Con data 16 do mes que andamos rexistrouse de entrada escrito de D. Manuel J. Freijeiro Martínez, en representación de ARTEPLAN GALICIA, S.L. manifestando:

Que a cláusula 5ª do Prego de Cláusulas administrativas particulares que rexen o indicado contrato establece o seguinte réxime de pagamentos:

Á sinatura do contrato	5%
Á entrega da cartografía e entrega do Planeamento	25%
Á aprobación inicial do documento	40%
Á entrega do informe sobre alegacións	10%
Á entrega do documento para aprobación definitiva	15%
Á entrega do derradeiro documento	5%

Que no momento actual atópase xa moi avanzada a elaboración dos traballos correspondentes á información urbanística e incluso o avance do planeamento, e que asímesmo, se ten procedido a encarga-la cartografía que esixe unha importante cantidade a conta moi superior ó 5% do importe do contrato, o que lle obriga a un desembolso inicial extremadamente importante e a financiar, por tanto, por adelantado este traballo, o que está ocasionandolle un importante desfase de tesourería.

En función do anterior, solicita deste Concello a posibilidade de modifica-la cláusula 5ª de Prego de cláusulas administrativas particulares, de acordo co seguinte:

Á sinatura do contrato.....	30%
Á entrega da cartografía e entrega do Planeamento	5%
Á aprobación inicial do documento	35%
Á entrega do informe sobre alegacións	10%
Á entrega do documento para aprobación definitiva	15%
Á entrega do derradeiro documento	5%



SEL NUMERADO
CORPORACIÓNS
LOCAIS

En virtude dos antecedentes expostos,

Considerando que en función do convenio anteriormente referenciado as achegas económicas da Xunta e mailas deste Concello correspondentes á anualidade de 2001 deben estar xustificadas dentro do ano que andamos, e se ben non se indica data concreta polas previsións que se manexan, para o peche por parte da Xunta, do exercicio de 2001, estímase en torno ó 30 de novembro.

Considerando que o importe que é necesario xustificar nesta anualidade acada a contía de 18.000.000 de pesetas, equivalentes ó 30% do prezo do contrato.

Considerando que a cartografía e mailo avance do planeamento non serán presentados antes da devandita data (30 de novembro) có que se cubriría a devandita porcentaxe.

Considerando, xa que logo, necesario adecua-las porcentaxes establecidas na cláusula 5ª (réxime de pagos) do prego de documentos administrativos particulares que rexen o contrato,

Considerando que a única posibilidade viable é incrementa-la porcentaxe correspondente á sinatura do contrato nun 25%.

Considerando que esta alteración non incide na consignación orzamentaria establecida nos referidos pregos de cláusulas.

Apreciado o interese público da modificación, así como as razóns aducidas por Arteplán Galicia, S.L., no seu escrito de data 16 do mes que andamos.

Vistos os artigos 59.1 e 101.1 do texto refundido da Lei de contratos das Administracións Públicas, aprobado polo Real Decreto Lexislativo 2/200, de 16 de xuño.

Dada conta, asímesmo, do informe favorable emitido polo Secretario Xeral acumulado, a Comisión informativa de Urbanismo dictaminou favorablemente a proposta do Concelleiro Delegado que consta na parte dispositiva deste acordo.

VOTACIÓN E ACORDO: De conformidade co dictame da Comisión Informativa de Urbanismo en data 19 de novembro de 2001, O Concello Pleno, por unanimidade de todos os seus membros asistentes, **acorda:**

Primeiro.- Modifica-lo contrato formalizado con ARTEPLAN GALICIA, S.L. para redacción do Plan Xeral de Ordenación Municipal e execución de cartografía do Concello, no referente á cláusula 5ª (réxime de pagamentos) do Prego de cláusulas Administrativas particulares, quedando establecida do seguinte xeito:

Á sinatura do contrato	30%
Á entrega da cartografía e entrega do avance de planeamento.....	5%
Á aprobación inicial do documento	35%
Á entrega do informe sobre alegacións	10%
Á entrega do documento para aprobación definitiva	15%
Á entrega do derradeiro documento	5%.-"

Serie A N.º 1176083

7.-DICTAME DA COMISIÓN INFORMATIVA DE URBANISMO SOBRE PROPOSTA DE CONVENIO URBANÍSTICO ENTRE O CONCELLO E DON DANIEL RODRÍGUEZ SOTELINO E A SÚA DONA.

ANTECEDENTES

Vista a proposta de convenio urbanístico asinada con data 12 de xuño de 2001 entre o Sr. Alcalde de Redondela, en nome e representación do Concello, e D. Daniel Rodríguez Sotelino, no seu propio nome e no da súa dona D^a. Saladina Couñago Míguez, que ten por obxecto establecer determinada clasificación e calificación urbanística no Plan Xeral de Ordenación Municipal, en fase de elaboración, con respecto dunha parcela de 13.900 m², propiedade dos devanditos conxuxes, localizada en Quintana, Reboreda.

Vistos os informes técnicos e xurídico obrantes no expediente, e visto o dictame favorable da Comisión Informativa de data 27 de setembro de 2001.

VOTACIÓN E ACORDO: O Concello Pleno, por unanimidade de todos os seus membros asistentes, **acorda:**

Primeiro.- Aprobar a proposta Convenio Urbanístico que en consecuencia adquire o rango de convenio urbanístico nos términos indicados na proposta do mesmo.

Segundo.- Instar ó Secretario da Corporación a que extenda a oportuna dilixencia en todas e cada unha das follas, planos e demais documentos que integran o Convenio facendo constar a aprobación recaída.

Terceiro.- Dar traslado do presente acordo a ARTEPLAN GALICIA S.L. mercantil encargada dos traballos de elaboración e redacción do PXOM.

8.-DAR CONTA DO EXPEDIENTE DE MODIFICACIÓN DE CRÉDITO 14/01.

O Concello Pleno queda enterado da resolución da Alcaldía de data 5-11-01 pola que se aproba o expediente administrativo de modificación de crédito mediante xeración de créditos número 14/01 por importe de 2.500.000 pesetas.

9.-DAR CONTA DO EXPEDIENTE DE MODIFICACIÓN DE CRÉDITO 15/01.

O Concello Pleno queda enterado da resolución da Alcaldía de data 8 de novembro de 2001 pola que se aproba o expediente administrativo de modificación de crédito número 15/01 mediante xeración de créditos por importe de 1.000.000 de pesetas.

10.-DICTAME DA COMISIÓN INFORMATIVA DE INTERIOR EN RELACIÓN CO EXPEDIENTE DE CONTRATACIÓN DOS SERVICIOS TÉCNICOS DE CONSULTORÍA E ASISTENCIA LETRADA NOS PROCESOS XUDICIAIS.

A petición do Sr. Alcalde e co asentimento dos demais membros da Corporación o expediente foi deixado sobre a Mesa.



PEL NUMERADO
CORPORACIÓN
LOCAIS

**11.-DICTAME DA COMISIÓN INFORMATIVA DE CULTURA SOBRE
INSTALACIÓN E EXPLOTACIÓN DO SERVICIO DE BAR-CAFETERÍA E
SERVICIOS PÚBLICOS DE LIMPEZA NO MULTIUSOS DE CHAPELA.**

A petición do Sr. Alcalde e co asentimento dos demais membros da Corporación o expediente foi retirado da Orde do Día.

**12.- DICTAME DA COMISIÓN INFORMATIVA DE SANIDADE DE
ADHESIÓN DO CONCELLO Ó CONVENIO MARCO ENTRE ECOVIDRIO E A
COMUNIDADE AUTÓNOMA DE GALICIA.**

ANTECEDENTES

Examinado o Convenio marco de colaboración entre a Comunidade Autónoma de Galicia e Ecovidrio de data 4 de xullo do corrente ano polo que se regulan as condicións de participación das Entidades Locais no sistema integrado de Xestión de Resíduos de envases de vidro que pretende levar a cabo no ámbito de Galicia a entidade citada autorizada para esos fins mediante resolución de data 29 de xuño do 2001.

Considerando que a non adhesión ó convenio marco remitido obrigaría a esta Administración Municipal á redacción dun Programa Municipal de xestión de este tipo de residuos e aun posterior convenio coa Xunta de Galicia que desenvolverá o programa citado.

Vistas as distintas formas de participación previstas no apartado 6.6 do Convenio citado.

Considerando conveniente para os intereses municipais que as actividades de recollida selectiva de envases de vidro de transporte de tales residuos a lugar idóneo e de mantemento e limpeza dos contenedores en onde han de ser depositados os envases mencionados, son servicios que conven sean prestados baixo o programa deseñado por unha asociación especializada en tales cometidos, esta Concellalía de Sanidade, tendo en conta a non adaptación á normativa aplicable do convenio que para fins similares formalizou este Concello coa mercantil ANFEVI

VOTACIÓN E ACORDO: De conformidade co dictame favorable da Comisión Informativa de Sanidade de data 29 de outubro de 2001, **O Concello Pleno**, por unanimidade de todos os seus membros asistentes, **acorda:**

PRIMEIRO: Adherirse e participar no Sistema Integrado de Xestión de residuos de envases de vidro previsto no Convenio Marco de data 4 de xullo do ano 2001 aceptando todas as súas condicións.

SEGUNDO: Facultar ó Ilmo Sr. Alcalde para a formalización do acordo expreso de adhesión, según modelo previsto no Anexo VII, optando pola cesión a ECOVIDRIO dos seguintes servicios:

- Recollida selectiva de envases de vidro según o Programa de Xestión previsto.
- Transporte dos residuos recollidos ata a pranta idónea.
- Limpeza e mantemento dos contenedores de envases.

TERCEIRO: Comunicar o presente acordo á Dirección Xeral de Calidade e Evaluación Ambiental da Consellería de Medio Ambiente.

Serie A N.º 1176084

CUARTO: Dar traslado do presente acordo á mercantil URBASER S.A., concesionaria do servizo público municipal de recollida de residuos sólidos.

QUINTO: Dar traslado do presente acordo á mercantil ANFEVI facendo constar a denuncia desta Corporación do Convenio que para fins similares formalizouse en data de 30-12-97.

13-DICTAME DA COMISIÓN INFORMATIVA DE SANIDADE SOBRE APROBACIÓN DO REGULAMENTO MUNICIPAL DO REXISTRO DE ANIMAIS DOMÉSTICOS DE COMPAÑÍA.

ANTECEDENTES

Examinado o Regulamento confeccionado para a creación dun Rexistro Municipal de Animais Domésticos, que literalmente transcrito dí:

REGULAMENTO MUNICIPAL DO REXISTRO DE ANIMAIS DOMÉSTICOS DE COMPAÑÍA (CÁNIDOS).

Artigo 1.- Os propietarios ou posuidores de animais domésticos de compañía do Concello de Redondela observarán a normativa que nese sentido se recolle na Lei Autónoma 1/1993, do 13 de abril e no regulamento que a desenvolve aprobado mediante Decreto 153/1998, do 2 de abril.

Artigo 2.- De conformidade co previsto no artigo 27 do Decreto 153/1998 os animais de especie canina, así como aqueles doutras especies que no futuro determine a Consellería competente nesta materia, deberán ser inscritos mediante declaración polos seus propietarios ou posuidores no rexistro municipal existente ó efecto. A inscrición poderá asimesmo realizarse a través de veterinarios colaboradores.

Artigo 3.- A inscrición no rexistro municipal levarase a cabo antes dos tres meses de idade ou os quince días dende a súa adquisición.

No momento da súa inscrición no rexistro a persoa que efectue a mesma acompañará certificado do veterinario colaborador no que conste o código do implante electrónico (microchip). No caso de cans tatuados acompañará certificado do código de tatuaxe.

Os cans non identificados terán a consideración de vagabundos, podendo ser collidos polos servizos municipais creados para tal fin.

Artigo 4.- No rexistro municipal constarán os seguintes datos:

- a).- A raza, a idade e, se é o caso, o nome do animal.
- b).- Nome, apelidos, documento nacional de identidade do seu propietario, posuidor ou persoa que asuma a responsabilidade.
- c).- Domicilio do posuidor.



PEL NUMERADO
CORPORACIÓN
LOCAIS

d).- Código alfanumérico do implante electrónico ou código de tatuaxe.

Artigo 5 .- No rexistro inscribiránse as baixas por morte, perda ou traslado do animal fora do municipio, os cambios de domicilio e as transferencias de titularidade ou de posesión que se produzan no prazo de quince días a contar dende a data na que se produciu o feito. Asimesmo faranse constar os incidentes que os cans produzan, tales como ataques, mordeduras ou similares a animais ou persoas sempre e cando o Concello teña constancia fehaciente delo.

Artigo 6.- Todos os cans deberán poseer o seu correspondente pasaporte ou cartilla sanitaria na que se fixará o numero de rexistro. Sobre ela se anotarán as sucesivas vacunacións e tratamentos obrigatorios que o animal reciba.

O Concello poderá requirir ó propietario ou posuidor do can en calquer momento a exhibición de dita tarxeta sanitaria.

Artigo 7 .- Os datos dos propietarios gozarán da confidencialidade e reserva que establece a normativa vixente nesta materia.

Artigo 8.- O incumplimento das obrigas recollidas neste regulamento terá, de conformidade co previsto no art. 20.1 j), a consideración de falta leve e será sancionable pola Alcaldía con multa de 5.000 a 50.000.- pesetas.

Artigo 9.- Cans potencialmente perigosos.- A tenencia de cans que se califiquen potencialmente perigosos requirirá a obtención de licencia municipal específica, de conformidade co previsto na Lei 50/99 de 23 de decembro do Régimen Xurídico de aniamis potencialmente perigoso. Ésta outorgarase sempre que o animal e o propietario/a reunan os requisitos que se establezcan, na lexislación autonómica de desenrolo de dita norma.

Disposición adicional única.-A inscrición no rexistro dos cans existentes a entrada en vigor deste regulamento deberá realizarse no prazo de tres meses á súa entrada en vigor.

Disposición final .- Este regulamento entrará en vigor unha vez transcurran quince días dende a súa publicación íntegra no Boletín Oficial da Provincia.

VOTACIÓN E ACORDO: De conformidade co dictame da Comisión Informativa de Sanidade en data 19 de novembro de 2001, **O Concello Pleno**, por unanimidade de todos os seus membros asistentes, **acorda:**

PRIMEIRO.- Aprobar inicialmente o Regulamento Municipal.

SEGUNDO.- Dispoñer a información pública e audiencia dos interesados por un prazo de trinta días mediante inserción do anuncio no Taboleiro de Anuncios do Concello ó obxecto de que se presenten as reclamacións e suxerencias que se estimen oportunas.

TERCEIRO.- Entender definitivamente adoptado o acordo provisional en caso de que non se presenten observacións dispoñendo a publicación no BOP do texto íntegro do Regulamento a efectos da súa entrada en vigor."

Serie A N.º 1176085

14.-MOCIÓN DO PSdeG-PSOE SOBRE A VIOLENCIA DE XÉNERO**ANTECEDENTES**

Pola Presidencia dase conta da moción da Concelleira de Servizos Sociais e Xuventude, en representación do PsdeG-PSOE, que na súa parte expositiva literalmente transcrita dí:

"Que dende fai varios anos, en España e noutros países europeos, o día 25 de novembro significa un día dedicado especialmente á loita contra a violencia de xénero, contra a violencia cara ás mulleres.

Esta violencia adquire diferentes formas, dende os malos tratos psicolóxicos ata as mutilacións xenitais e o tráfico de mulleres e nenas. É dicir, a violencia de xénero responde a comportamentos derivados das relacións de poder que historicamente diferenciaron a homes e mulleres.

Por elo, unha sociedade na que exista violencia de xénero é unha sociedade que está dificultando o pleno desenvolvemento dos obxectivos de igualdade, liberdade e desenvolvemento individual das persoas, e en especial das mulleres e nenas.

Neste sentido, a Conferencia de Bijing, é contundente ó afirmar que "a violencia contra as mulleres ó longo do seu ciclo vital ten a súa orixe en pautas culturais, en particular, os efectos prexudiciais dalgunhas prácticas tradicionais ou consuetudinarias e de tódolos actos de extremismo relacionados coa raza, o sexo, a lingua e a relixión que perpetúan a condición inferior que se asigna ás mulleres na familia, no lugar de traballo, na comunidade e na sociedade".

Así mesmo, a Conferencia fai un chamamento a tódolos gobernos, para que desenvolvan medidas e actuacións encamiñadas á sensibilización da poboación e dirixidas á eliminación desta lacra social.

Considerando que os dereitos humanos e as liberdades fundamentais son patrimonio de tódalas persoas, homes e mulleres, e que a súa promoción e protección é responsabilidade de tódolos Gobernos.

Considerando que a defensa dos dereitos humanos é incompatible coas situacións de violencia e agresións que padecen as mulleres.

Considerando que as institucións públicas, temos un compromiso ineludible na loita contra a violencia, contribuíndo a través das medidas e plans necesarios para a súa eliminación.

Tendo en conta que en España, dende xaneiro ata o 21 de outubro deste ano, o número de mulleres asasinadas por violencia de xénero é de 59 e no ano 2000 o número ascendeu a 66."

VOTACIÓN E ACORDO: O pleno do Concello, por unanimidade de todos os seus membros asistentes, no marco das súas competencias **acorda:**

Primeiro.- Adoptar e desenvolver cantas medidas sexan necesarias para contribuír a eliminar a violencia cara ás mulleres.



PEL NUMERADO
CORPORACIÓN
LOCAIS

Segundo.- Favorecer o rexeitamento social ás actitudes violentas.

Terceiro.- Instar ó Goberno e o Parlamento do Estado para que aprobe unha Lei integral contra a violencia de xénero.

URXENCIAS

A).- VERQUIDOS DE RESIDUOS DE FÁBRICA DE GRANITOS

Pola Presidencia dase lectura ó Concello Pleno da moción presentada polo Grupo Municipal do PP, manifestando que máis que unha moción se trata dun rogo instando unha actuación do Alcalde xa que non é unha competencia do Pleno senón que é do Alcalde, e tras a exposición das razóns de urxencia pola Presidencia o Concello Pleno por unanimidade de todos os seus membros presentes acorda o tratamento e consideración do asunto.

ANTECEDENTES

Polo Grupo Municipal do PP se presenta en data 21 de novembro de 2001, baixo número de rexistro 8434, manifestando que denunciaron nos medios de comunicación, en xuño do presente ano, os verquidos de residuos procedentes de fábricas de granito que estanse a ubicar na zona perimetral das instalacións do Aeroporto de Peinador desde fai xa máis dun ano. Nos días en que se formularon dita denuncia, observaron cal era o volume dos residuos almacenados alí, e poden asegurar que nestes momentos a cantidade almacenada dos mesmo é bastante maior, e xa alcanza proporcións descomunais.

Para máis burla, nestos momentos estase a habilitar unha nova entrada para os camións, noutra zona perimetral do Aeroporto donde non se efectúan verquidos, para comenzar a depositalos alí tamén.

Manifestan asismemo que ó igual que os veciños da Parroquia de Vilar, que os mesmos son tóxicos e que están contaminando os mananciais de regadio e os nacentes de auga que se utilizan para o consumo diario dos veciños/as de Vilar. Recordar como Vdes saben, que Vilar non dispón de traída de auga municipal, senón que se abastecen dunha traída de auga particular, e que os depósitos encóntranse a pe do Aeroporto, moi cerca dunha destas zonas de verquidos.

INTERVENCIONES

Sr. Pazos Docampo: Estamos dispostos a apoiar a moción. Nos preocupan os verquidos. O certo é que o Concello non outorga licencias nin concesións para este tipo de actuacións.

Sr. González Iglesias: Estamos dispostos a instar ó Aeroporto para que cesen os verquidos. Estamos fartos de remitir escritos ó Aeroporto neste sentido, ó último en xullo, o 23-12-2000 tamén houbo outro requerimento. En definitiva o Concello nesta problemática non estivo parado.

Según o R.D. 259/1998 (art 10). A execución de obras ou movementos de terra no recinto do aeroporto non está sometida a actividade de control municipal. Esta claro.

Serie A N.º 1176086

¿Quen nomea ó Director do Aeroporto?. Utilice Vde outra fórmula para denunciar estes feitos.

Sr. Conde Romero: ¿E a efectividade das actuacións do Alcalde?. O R.D. non lle prohibe do Alcalde tomar accións legais. Asuma a súa responsabilidade e meta ó Director do Aeroporto no Xulgado. Que mais dá que o Director do Aeroporto o nomee o PP, os feitos están ahí. O resultado das súas xestións é cero. Nos estamos a denunciar unha actuación ilegal. O pleno debe pronunciarse. Vde pode actuar. As suas medidas foron infructuosas.

Sr. González Iglesias: As denuncias se deben dirixir AENA e ó Director do Aeroporto.

VOTACIÓN E ACORDO: O Concello Peno, por unanimidade de todos os seus membros asistentes, **acorda:**

PRIMEIRO.- Presentar a correspondente denuncia ante a AENA, e que se aclare dunha vez por todas, se estes residuos son tóxicos ou non.

SEGUNDO.- Notificar este acordo ó Director do Aeroporto e se lle esixa a paralización inmediata destes verquidos.

B).- RECUPERACIÓN DE CAMIÑO PÚBLICO

Prevía exposición das razóns de urxencia pola Presidencia o Concello Pleno por unanimidade de todos os seus membros presentes **acorda** o tratamento e consideración do asunto.

ANTECEDENTES

Polo Grupo Municipal do PP en data 21 de novembro de 2001, baixo número 8435, moción que literalmente transcrita dí:

"D. Alejandro Couto Alonso, en representación doutras cincuenta persoas, que firman conxuntamente con él, presentou un escrito, con rexistro d entrada neste Concelo en data de 13 de xuño do corrente ano, no que solicitaban a subsanación dos perxucios que estaban a sufrir, debido o corte dun camiño público provocado por un veciño, coa colocación e acumulación de materiais neste, impedindo o paso dos demais veciños.

Hasta o día de hoxe, o problema para estes sigue igual. Non se fixo nada para solucionalo e para obrigar a este veciño a que deixe de poñer obstáculos no camiño.

Xa de por sí, os accesos que teñen os veciños deste lugar son malos e deficitarios, como para que o único camiño que teñen s lugareños para acercase os aledaños ou inmediacións da Igrexa de Chapela, o teñan cortado, por que un señor así o quera e o Concello o refrende (dado co camiño sigue igual, cortado), polo que **SOLICITAMOS**

Que por parte deste Concello so obligue a este veciño, causante dun perxucio ós demais veciños do lugar, a que retire xa este obstáculos, e o advirtan, de que non os volva a poñer. De non acceder, ordenen á Policía Local ou funcionarios coa presenza destes, a retirar estes obstáculos á vez que fagan cumprir a Lei, coa correspondente denuncia por apropiación dun ben público. Así mesmo, solicitamos teñan un



PEL NUMERADO
CORPORACIÓN
LOCAIS

seguimento puntual de que isto non suceda de novo, non vaia a retiralos mañán e volver a poñelos pasado mañán."

INTERVENCIONS:

Sr. González Iglesias: O camiño está inventariado aínda que a súa propiedade é confusa. O parecer existen escrituras que outorgan a titularidade a quen cerra o camiño. Esta grafiado nas Normas. Estou convencido de que é público. Deben emitir informes técnicos polo Sr. Aparellador Municipal e Arquitecto.

Sr. Sánchez Santorio: Folla 26: Inventario de Benes "Camiño do Cemiterio". Quen terá que dicir que non é público será o particular e terá que xustificar o seu dereito.

Sr. González Iglesias: Solicitou licencia para un portal e xustificou a titularidade.

Sr. Alcalde: Votamos a favor, todo o que sexa recuperar bens públicos é bo pero lóxicamente a última palabra a ten os técnicos.

Sr. González Iglesias: O problema acabase si se abre o vial. Haberá que encargar os técnicos un estudio acerca da viabilidade de abrir o vial tal e como está grafiado no PERI.

Sr. Conde Romero: ¿Que probema hai en adoptar o acordo?. O Concello debe tomar a iniciativa.

Sr. González Iglesias: Necesitamos abrir todo o vial para aclarar a cuestión. Non deben existir inconvenientes en que se encargue ós técnicos municipais un proxecto neste sentido.

VOTACIÓN E ACORDO: O Concello Pleno, en votación ordinaria e por maioría dos señores asistentes, **con dezaseis votos a favor dos/as Sres/as Concelleiros/as:** D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a. PILAR MARTÍNEZ GONZÁLEZ, DONA M^a. DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. CARMEN RODRÍGUEZ RIVAS,,D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSÉ LUÍS ALONSO BASTOS, D. MANUEL PUENTES SAAVEDRA, D. LUÍS MÍGUEZ BOULLOSA, D. PABLO REBANAL ALFAYA, D. SALVADOR FERMÍN PINTOS FERNÁNDEZ e o do Sr. Alcalde, **e con catro abstencións dos/as Sres/as Concelleiros/as:** D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUÍS GRANDE GRANDE e DONA ÁNXELES GONZÁLEZ GÓMEZ, **acorda:**



PAPEL NUMERADO
CORPORACIÓNS
LOCAIS

Serie A N.º 1176087

Primeiro: Aprobar a moción presentada.

Segundo: Solicitar a redacción dun estudio acerca da viabilidade de abrir todo o vial tal e como figura no PERI, por parte dos técnicos municipais.

15.- ROGOS E PREGUNTAS.

Non se formularon.

E, non habendo máis asuntos que tratar, pola Presidencia dase por rematada a presente sesión, sendo as vinteunha horas cuarenta e cinco minutos da data indicada no encabezamento, en proba de todo o que, se estende a presente Acta, que se inscribiu no Libro dende o folio centosetenta e un do Papel Timbrado da Comunidade Autónoma de Galicia, Serie A nº 1176079, ata o folio centosetenta e nove, serie A nº 1176088, de todo o que como Secretario do presente acto, dou fé.

O ALCALDE

Asdo: Xaime Rei Barreiro

O SECRETARIO

Asdo: José Riesgo Boluda


DILIXENCIA


Para facer constar que o presente **Libro de Actas do Concello Pleno**, péchase coa transcripción da sesión celebrada con carácter ordinario o día **22 de novembro de 2001**, rematando a mesma no folio nº 179, que son os folios que compoñen o presente Libro, dendo o folio nº 001 do Papel Timbrado da Comunidade Autónoma de Galicia, Serie A nº 1175909 ó folio nº 179, Serie A nº 1176078.

Redondela, a 22 de novembro de 2001


O Secretario

Asdo: José Riesgo Boluda









PLENOS

2000

2001

ARQUIVO

CONSEJO DE REGIDORES

U.I. / N° Expte:

7.826 / 3

